



07543

文獻通考卷第二百七十二

鄱陽馬端臨

貴山與

書著

藏書

封建考十三

宋齊梁陳諸侯王列侯

宋氏一用晉制唯大小國皆有二軍自明帝以後皇子

皇弟雖非都督亦置記室參軍小號將軍為大郡邊守

置佐吏者又不置長史餘則同矣凡王子為侯者食邑

皆千戶諸王世子皆金印紫綬進賢兩梁冠佩山元玉

初江夏王義恭為孝武所忌憂懼故奏革諸侯廳事不

得南向坐國官正冬不得跣登國殿及夾侍障扇不得

文獻通考

卷三百

封建

一

雉尾劍不得鹿盧形但馬不得過二諸侯常行車前後

不得過六隊白直夾殿不在其限

刀不得過銀銅為飾諸王子繼

體為王者婚葬吉凶悉依諸國公侯之禮不得同皇弟

皇子諸王女封縣主諸王子孫襲封之王妃及封侯者

大夫竝不得鹵簿詔可

王國有師

改傳為之

自內史相記

室以下官多與管同

孔顛字思遠為江夏內史好酒多醉而明曉政事咸曰一月二十九

日記室之要須通才敏思性情綸密者為之

凡郡縣

內史相竝於國主稱臣去任便止孝武孝建中始革此

制不得追敬不得稱臣止宜云下官而已

劉邕嗣封南康侯河東王

飲之常為南康國相素輕邕後俱元會邕性嗜酒謂飲之日卿昔嘗見臣今不能勸一杯酒乎飲之效孫皓歌

答之曰昔爲汝作臣今與汝比
肩旣不勸汝酒亦不願汝年
公主有傳令傳令不得

朱服不得朱服亦
江夏王所奏

長沙景王道憐武帝中弟帝即位封永初三年薨子義

欣嗣 瑾

義融義欣弟封桂陽縣侯子覬嗣 晃

義宗義融弟封新渝縣侯子懷珍 丞

義賓義宗弟封興安侯

義綦封營道縣侯

臨川烈武王道規武帝少弟桓元篡位時以預起義進

封至南郡公武帝卽位追封臨川王 義慶以長沙景

文獻通考

卷一百一十五

封建

二

王子嗣 曄 綽

營浦侯遵考武帝族弟帝卽位封薨諡元子澄之嗣

廬陵孝獻王義真武帝次子初封桂陽縣公帝卽位封

廬陵王後爲徐羨之等廢而殺之時年十八 紹文帝

第五子以嗣義真 敬先

彭城王義康武帝子帝卽位封元嘉時入輔政後廢爲

庶人賜死

江夏文獻王義恭武帝子帝卽位封後爲廢帝所殺

南郡王義宣武帝子元嘉元年初封竟陵王後改封南

郡孝武時與臧質同反兵敗誅

衡陽文王義季武帝子元嘉元年封衡陽王後改封二十四年薨傳國至孫齊受禪國除
始興王濬文帝子元嘉十三年封後與元凶劭同行弑
逆伏誅

南平穆王鑠文帝第四子元嘉十六年封孝武初薨
敬猷爲廢帝所殺 產以孝武子嗣 宣曜以晉平王
休祐子嗣 伯玉以衡陽恭王薨子嗣

竟陵王誕文帝第六子元嘉二十年封廣陵王後改封
竟陵討元凶劭及南郡王義宣有功孝武忌誕遣兵襲
之誕反兵敗死

文獻通考

卷一百一十五

封建

三

建平宣簡王宏文帝第七子元嘉二十一年封孝武時
薨子景素嗣廢帝時舉兵攻臺城不克被殺

廬陵王禧文帝第八子元嘉二十二年封東海王後改
封廬陵孝武時坐罪廢死

晉熙王昶文帝第九子元嘉二十三年封義陽王廢帝
卽位舉兵反不克奔魏 變以明帝子嗣齊受禪見殺
武昌王渾文帝第十子元嘉二十四年封孝武時坐罪
廢死

建安王休仁文帝第十二子元嘉二十九年封明帝立
休仁有功帝忌之賜死

晉平刺王休祐文帝第十三子孝建二年封山陽王後改封晉平明帝忌而殺之

海陵王休茂文帝第十四子孝建二年封大明時謀反敗死

鄱陽哀王休業文帝第十五子孝建二年封三年薨士弘以山陽王休祐子嗣

臨慶沖王休倩文帝第十六子孝建元年封未拜薨

新野懷王夷父文帝第十七子蚤薨加封

桂陽王休範文帝第十八子孝建三年封順陽王大明

元年改封廢帝時反誅

文獻通考

卷之三

封建

四

巴陵哀王休若文帝第十九子孝建三年封明帝忌之賜死

豫章王子尚孝武第二子孝建元年封西陽王後改封豫章廢帝殞賜自盡

晉安王子勳孝武第三子大明四年封廢帝凶狂長史鄧琬等奉子勳起兵明帝定亂卽位琬等不受命奉子勳爲帝一歲琬敗見殺年十一

松滋侯子房孝武第六子大明四年封潯陽王明帝卽位長史孔覲不受命以子房舉兵應晉王子勳敗坐貶

爲松滋侯後見殺年十一

臨海王子頊孝武第七子初封歷陽王後改封臨海坐應晉安王子勳事敗賜死年十一

始平孝敬王子鸞武帝第八子大明四年封襄陽王又改封新安廢帝卽位見殺時年十歲明帝立改封始平以建平王景素子延年嗣

永嘉王子仁孝武第九子大明五年封年十歲遇害

始安王子眞孝武第十一子

邵陵王子元孝武第十二子

淮南王子孟孝武第十六子

東平王子嗣孝武第二十七子以上竝爲明帝所殺

文獻通考

卷之三

封建

五

齊敬王子羽孝武第十四子

晉陵孝王子雲孝武第十九子竝未拜而亡

南海哀王子師孝武第二十二子爲廢帝所殺

武陵王贊明帝子明帝旣誅孝武諸子詔以贊奉孝武

爲子封武陵郡王順帝昇明二年薨國除

邵陵殤王明帝子五歲封順帝昇明二年薨無子國除

隨陽王翽明帝子昇明二年封齊受禪降封舞陰縣公

新興王嵩明帝子齊受禪降封定襄縣公

始建王禧明帝子齊受禪降封荔浦縣公尋竝爲齊高

祖所殺

齊封爵史闕齊竟陵王子良開西邸延才僞以為士林自永明末京邑士人盛為文章談議皆奏

於西邸王國有師王琨為武陵王師時王儉為宰相屬琨用東海迎吏琨使謂曰語郎三臺

五省皆是郎用人外方小郡當乞寒賤省官何容復奪之遂不聽其事諮議張岱歷臨海

王府諮議三王行事舉而情得文學等官齊永明元年竟陵王公侯于良表置文學官

置郎中令一人卿餘與晉宋同

衡陽元王道度齊高祖長兄仕宋位安定太守卒齊受

禪加封諡無子 鈞以高祖第十一子繼後為明帝所

殺 珉以永陽王子繼子坦

始安貞王道生高祖次兄仕宋位奉朝請卒齊受禪追

封諡後子鸞即位是為明帝追尊道生為景皇

文獻通考卷一百一十五 封建六

鳳道生長子仕宋位正員郎卒高帝即位諡靖世子

明帝即位追封始安靖王子遙光明帝崩受遺輔政

東昏失道遙光舉兵攻臺城兵敗誅

鸞是為明帝

緬封安陵昭王

豫章文獻王薨高帝子帝受禪封武帝即位進太尉薨

子子廉嗣 元緝梁受禪降封新淦侯

臨川獻王映高帝子帝受禪封永明七年薨子子晉梁

時坐反誅 長沙威王晃高帝子帝受禪封武帝時薨

武陵昭王曄高帝子帝受禪封隆昌元年薨

安成恭王暕高帝子帝受禪封永明元年薨

鄱陽王鏘高帝子帝受禪封明帝既廢鬱林王遂害鏘

桂陽王鑠高帝子帝受禪封後爲明帝所殺

始興簡王鑑高帝子初封廣興郡後改封永明九年薨

江夏王鋒高帝子

南平王銳高帝子

宜都王鏗高帝子

晉熙王鉞高帝子

江東王鉉高帝子已上竝爲明帝所害

文獻通考

卷之三

封建

七

竟陵文宣王子良武帝第二子帝卽位封帝崩受遺詔

輔太孫薨子昭胄嗣東昏時謀舉兵事覺誅

魚復侯子享武帝第四子初封巴東郡王爲荊州刺史

坐殺臺使誅死貶爲侯

安陸王子敬武帝第五子永明中封明帝卽位遣人襲

殺之

晉安王子懋武帝第七子隆昌初爲江州刺史及明帝

輔政誅翦高武諸王子懋欲起兵入討事覺見害

隋郡王子隆武帝第八子年二十一遇害

建安王子眞武帝第九子年十九遇害

西陽王子明武帝第十子年十七遇害

南海王子罕武帝第十一子年十七遇害

巴陵王子倫武帝第十三子年十六遇害

邵陵王子貞武帝第十四子年十五遇害

臨賀王子岳武帝第十六子年十四遇害

西陽王子文武帝第十七子年十四遇害

衡陽王子峻武帝第十八子年十四遇害

南康王子琳武帝第十九子年十四遇害

湘東王子建武帝第二十一子年十三遇害

南郡王子夏武帝第二十三子年七歲遇害

文獻通考

卷一百一

封建

八

巴陵王昭秀文惠太子第三子年十六遇害

桂陽王昭粲文惠太子第四子年八歲遇害已上竝爲

明帝所殺

先是高帝武帝爲諸王置典籤帥一方之事悉以委之每至覲接輒畱心顧問刺史行事之美惡繫於典籤之口莫不折節推奉恆慮弗及於是威行州部權重藩君武陵王曄爲江州性烈直不可忤典籤趙渥之曰今出郡易刺史及見武帝相誣曄遂免還南海王子罕成琅瑯欲暫游東堂典籤姜秀不許而止還位謂母曰兒欲移五步亦不得與囚何異秀後輒取

子罕屣繖飲器等供其兒昏武帝知之鞭二百繫尙
方然而擅命不改邵陵王子貞嘗求熊白廚人答典
籤不在不敢與西陽王子明欲送書參侍讀鮑俱病
典籤吳脩之不許曰應咨行事乃止言行舉動不得
自專徵衣求食必須咨訪永明中巴東王子享殺行
事劉寅等武帝聞之謂羣臣曰子享遂反戴僧靜大
言曰諸王都自應反豈惟巴東武帝問故答曰夫王
無罪而一時被囚取一挺藕一杯漿皆咨籤帥不在
則竟日忍渴諸州唯聞有籤帥不聞有刺史竟陵王
子良嘗問衆曰士大夫何意詣籤帥參軍范雲答曰

文獻通考

卷一百一十五

封建

九

詣長史以下皆無益詣籤帥使便有倍本之價不詣
謂何子良有媿色及明帝誅異己者諸王見害悉典
籤所殺竟無一人相抗孔珪聞之流涕曰齊之衡陽
江夏最有意而復害之若不立籤帥故當不至於此
按宋齊之制諸王之爲刺史者立長史以佐之旣
而復立典籤以制之然大槩多以童稚之年膺方
面之寄而主其事者則皆長史典籤也宋蒼梧王
以凶狂遇弑明帝嗣位而江州長史鄧琬不受命
奉晉安王子勳起兵稱帝會稽長史孔覲雍州長
史孔道存俱不受命皆奉其王以應晉安未幾兵

敗而臣主俱就誅夷而孝武之子孫殲焉及齊明
帝以支代宗欲盡除高武之子孫而皆以典籤殺
之然則長史典籤之設皆所以禍諸王而當時之
居此職者皆輕躁傾險之人或假之以稱亂或賣
之以爲功其情雖異而構禍則同童孺無知駢首
橫死於鋒鏑鳩毒之下至誓不願生帝王家及乞
爲奴以紓死而不可得哀哉

梁封爵亦如晉宋之制諸王皆假金獸符第一至十九
諸公侯皆假銅獸符竹使符第一至第五名山大澤不
以封鹽鐵金銀銅鐵錫及竹園別都宮室園圃皆不以

文獻通考

卷一百一十五

封建

十

屬國諸王言曰令境內稱之曰殿下公侯封郡縣者言
曰敎境內稱之曰第下自第下稱皆曰寡人相以下公
文上事皆詣典事世子主國其文書表疏儀式如臣而
不稱臣文書下郡官皆言告諸王公侯國官皆稱臣上

於天朝皆稱陪臣有所陳皆曰上疏其公之曰言事

梁南

平元襄王偉好學重士四方游士當世知名者莫不畢
至齊世有蹊宮改爲華林苑賜偉爲宅茅築種植與賓
客游其中梁世五等諸公位視三公班次之開國諸侯
藩邸之盛無過

位視孤卿重號將軍光祿大夫班次之開國諸伯位視

九卿班次之開國諸子位視二千石班次之開國諸男

位視比二千石班次之

王國置傅相

公以下則臺各
爲選置之皆掌

知事郎中令將軍常侍典書令典衛長伯子無典祠以

下自選備上諸官多同前代若王加將軍開府則置長

史司馬及記室掾屬祭酒主簿錄事官屬張縮字孝卿自中軍宣城

王長史遷御史中丞武帝使宣旨曰為國之急唯在執

憲直繩用人本不限升降晉宋代周閔蔡廓並以侍中

為之卿勿疑是左遷時宣嗣王則唯置郎中令中尉常

侍大農藩王則無常侍制與後漢同

長沙宣武帝王懿武帝兄齊時為中書令為東昏所殺武

帝受禪追封諡子業嗣 孝儼 睿

藻業弟封西昌侯 猷藻弟封臨汝侯 詔猷子封

上甲縣都鄉侯後襲封長沙王 駿詔弟封南安侯

文獻通考 卷一百一十一 封建

明猷弟封貞陽侯武帝既納侯景以明督師北伐

兵敗沒於魏至齊文宣時遣使送明南還王僧辨納

之稱尊號陳霸先襲殺僧辨更立敬帝而廢明齊人

徵之薨 永陽昭王敷武帝兄仕齊為隨郡內史卒武帝受禪追

封諡子伯游嗣 衡陽宣王暢武帝弟仕齊位太常封江陵縣侯卒武帝

受禪追封諡子獻嗣 桂陽簡王融武帝弟仕齊為太子洗馬與懿俱遇害武

帝受禪追封諡 象 以長沙 王嗣 愷

帝受禪追封諡 象 以長沙 王嗣 愷

臨川靜惠王宏武帝弟仕齊爲王府功曹武帝受禪封
普通七年薨子正義嗣

正德正義弟封西豐縣侯後奔魏復還大通四年封
臨賀郡王侯景反奉正德僭位景入城竝廢而殺之
正則正德弟封樂山侯後坐反誅 正立正則弟封
建安縣侯

安成康王秀武帝弟仕齊爲太子舍人武帝受禪封薨
子機嗣 操

南平元襄王偉武帝弟仕齊爲玉府參軍武帝受禪封
薨子恪嗣

文獻通考

卷之三

封建

三

恭恪弟封衡山縣侯 祇恭弟封定襄縣侯 諮偉
孫封武林侯 脩諮弟封宜豐侯 泰脩弟封豐城
侯

始興忠武王憺武帝弟仕齊爲外兵參軍武帝受禪封
薨子亮嗣

曠亮弟封廣信縣侯 曄曠弟封安陸侯

豫章王綜武帝第二子天監三年封後奔魏歿於魏
南康簡王績武帝第四子天監七年封大通三年薨子
會理嗣後爲侯景所害

通理會理弟封祈陽侯 義理通理弟封安樂縣侯

廬陵威王續武帝第五子天監八年封大同時薨子應嗣

邵陵攜王綸武帝第六子天監十三年封侯景反以綸爲征討大都督討景不克奔鄂州後奔汝南魏兵攻而殺之 堅綸子封汝南侯 確堅弟封正階侯後竝爲侯景所殺

武陵王紀武帝第八子天監十三年封大同三年爲益州刺史侯景陷臺城紀遣兵入援止於白帝未幾僭位於蜀元帝遣兵取之紀敗爲所殺

豫章安王歡昭明太子長子昭明薨封薨子棟嗣侯景

文獻通考

卷一百一十五

封建

三

廢簡文帝立棟未幾景篡位王僧辨討誅景棟爲朱買臣所害

河東王譽昭明太子子中大通三年封湘州刺史侯景反入援至青草湖臺城陷還鎮元帝遣王僧辨襲殺之岳陽王詧昭明太子子中大通三年封爲雍州刺史侯景既克臺城詧稱藩於魏元帝既立魏人入寇詧率衆會之魏取江陵害元帝乃立詧爲梁王授以荊州江陵而取其雍州

襄陽府

詧遂卽帝位仍稱藩於魏卽位八年

祖諡宣帝子端立二十四年祖諡明帝子琮嗣立三年朝於隋隋取其地拜琮柱國賜爵莒公

潯陽王大心簡文帝第二子太清元年爲江州刺史侯景反遣師入援無功景將任約略地至湓城大心戰敗以州歸約後爲景所殺

臨川王大款簡文第三子帝卽位封後奔江陵魏克江陵遇害

南海王大臨簡文第四子侯景反遇害

南郡王大連簡文第五子爲東揚州刺史侯景反入援無功還鎮後爲景所害

安陸王大春簡文第六子侯景反遇害

桂陽王大成簡文第八子侯景反奔江陵魏克江陵遇

文獻通考

卷一百一

封建

十四

害

汝南王大封簡文第九子侯景反奔江陵魏克江陵遇

害

瀏陽公大雅簡文第十二子侯景反發憤感疾卒

新興王大莊簡文第十三子

西陽王大鈞簡文第十四子

武寧王大威簡文第十五子

建平王大球簡文第十七子

義安王大昕簡文第十八子

綏建王大摯簡文第十九子以上並爲侯景所害

自漢景武始裁抑諸侯王雖受封連城而不得以
擅其土地甲兵至東漢諸侯王惟得食其邑入而
已曹魏則并邑入亦鮮薄猜防尤甚卒以孤立速
亡晉宋齊梁之制諸王皆出爲都督刺史星羅碁
布各據強藩蓋將假以事任庶收宗子維城之功
而矯孤立之弊然宋齊一再傳而後二明帝皆以
旁支入繼大統伎忍特甚前帝之子孫雖在童孺
皆以逼見讎其據雄藩處要地者適足以殞其身
於典籤輩之手而二明亦復享年不永置嗣無狀
淪胥以亡不足復議若晉若梁則諸王皆以盛年

文獻通考

卷之三

封建

五

雄材出當方面非宋齊帝子輩比也然京師有變
則俱無同葬王室之忠而各有帝制而天子自爲
之志賈趙之亂如罔如顧如父如越之徒縱兵不
戢屠其骨肉以啓戎狄之禍而神州覆亡侯景之
亂如綸如釋如紀如督之徒擁兵不救委其祖父
以餒寇賊之口而天倫殄絕矣蓋其初之立制也
非不欲希風宗周懲鑑漢魏然世俗險惡人心澆
漓齊桓晉文之事尙矣晉梁諸王雖欲求一人如
鄭厲公虢叔輩而不可得後儒所以疑封建之不
可行有由矣

陳置九等公主有家令之制郡有王嗣王藩王開國郡

縣公開國縣侯開國縣伯開國縣子開國縣男沐食侯

鄉亭侯關內侯關外侯鄴陽王之封也遣度支尚書蕭

獻持節兼太宰告於太廟五嶽尚書王質持節兼太宰

告於太社凡親王起家則爲侍中若將軍方得有佐吏

無將軍則無府止有國官皇太子子冢嫡者封王依諸

王起家餘子竝封公起家中書郎諸王子并諸侯代子

起家給事

王子起家有外散騎侍郎令僕子起家祕書郎若員滿亦爲散法曹雖高半階資級祕書

郎下次令

僕子起家著作佐郎亦爲散行參軍此外有諸州主簿太學博士國常侍奉朝請嗣王行參軍竝起

家官未合發詔

皇弟皇子府置師長史司馬從事中郎咨議

文獻通考

卷一百一

封建

六

參軍友掾屬記室等官其嗣王藩王府則遞滅之王國

置郎中令將軍常侍典祠令舍人等官其嗣王藩王則

遞滅其資

諸王府佐等官仍爲清濁或爲選司補用亦有府樂牒拜授者不拘年限去曹隨意在府

之日惟賓

游宴賞時復循從之更無餘事若隨府王在州其僚佐等或亦得預催督若其驅使便有職務其衣

冠子弟多自修立非氣類者惟利是求暴物亂政皆此之類也

衡陽獻王昌陳武帝第六子武帝平侯景拜長城國世

子後畱荊州魏克荊州遷長安武帝卽位遣人請之未

還武帝崩乃歸文帝立使人迎昌濟江於中流殞之無

子永康初文帝詔以第七子伯信嗣其位奉祀之

南康愍王曇朗武帝母弟忠壯王休先之子齊兵逼建

康遺質於齊後爲齊所害武帝受禪追封謚子方秦嗣
後坐罪削爵土陳亡入隋爲掖縣令 方慶方泰弟封
臨汝縣侯

始興王伯茂文帝第二子帝卽位以伯茂襲封始興王
嗣伯父昭烈王道談後臨川王廢伯茂坐降爲溫麻侯
鄱陽王伯山文帝第三子天嘉元年封禎明三年薨

新安王伯固文帝第五子天嘉六年封後與始陵王謀
反誅

晉安王伯恭文帝第六子天嘉六年封陳亡入長安後
爲成州刺史

文獻通考

卷一百一十五

封建

七

廬陵王伯仁文帝第八子天嘉六年封陳亡卒於長安
江夏王伯義文帝第九子天嘉六年封陳亡入長安道
卒

武陵王伯禮文帝第十子天嘉六年封陳亡入長安後
爲臨洮太守

永陽王伯智文帝第十二子太建中封陳亡入隋後爲
國子司業

桂陽王伯謀文帝第十三子太建中封陳亡入隋後爲
番禾令

始興王叔陵宣帝第二子太建元年封宣帝崩叔陵反

以刃傷太子伏誅

豫章王叔英宣帝第三子太建元年封陳亡入隋後爲涪陵太守

長沙王叔堅宣帝第四子太建元年封陳亡入隋後爲遂寧郡守

建安王叔卿宣帝第五子太建四年封陳亡入隋後爲上黨通守

宜都王叔明宣帝第六子太建五年封陳亡入隋後爲鴻臚少卿

河東王叔獻宣帝第九子太建五年封陳亡入隋爲汶文獻通考

卷之三

封建

文

城令

新蔡王叔齊宣帝第十一子太建七年封陳亡入隋後爲尚書主客郎

晉熙王叔文宣帝第十二子太建七年封隋師渡江叔文以巴州先送欵授開府宜州刺史

淮南王叔彪宣帝第十三子太建八年封陳亡卒於長安院

始興王叔重宣帝第十四子叔陵爲逆誅立叔重嗣昭烈王後陳亡入隋後爲太府少卿

潯陽王叔儼宣帝第十五子後主時立陳亡入隋卒

岳陽王叔慎宣帝第十六子太建十四年立隋師渡江
為湘州刺史拒戰死之

義陽王叔達宣帝第十七子太建十四年立陳亡入隋
為絳郡通守後仕唐至禮部尚書

巴山王叔雄宣帝第十八子太建十四年封陳亡卒於
長安

武昌王叔虞宣帝第十九子太建十四年封陳亡入隋
後為高苑令

湘東王叔平宣帝第二十子至德元年封陳亡入隋後
為胡蘇令

文獻通考

卷一百一十五

封建

元

臨賀王叔敖宣帝第二十一子至德初封陳亡入隋後
為儀同三司

陽山王叔宣宣帝第二十二子至德初封陳亡入隋為
涇城令

西陽王叔穆宣帝第二十三子至德初封陳亡卒長安
南安王叔儉宣帝第二十四子至德初封陳亡卒於長

安

南郡王叔澄宣帝第二十五子至德初封陳亡入隋為
靈武令

沅陵王叔興宣帝第二十六子至德初封陳亡入隋為

給事郎

岳山王叔韶宣帝第二十七子至德初封陳亡入隋卒於長安

新興王叔純宣帝第二十八子至德初封陳亡入隋後爲河北令

巴東王叔謨宣帝第二十九子至德四年封陳亡入隋爲汧陽令

臨海王叔顯宣帝第三十子至德四年封陳亡入隋爲鶉觚令

新會王叔坦宣帝第三十一子至德四年封陳亡入隋

文獻通考

卷之三

封建

十一

爲涉縣令

新寧王叔隆宣帝第三十二子至德四年封陳亡入隋卒於長安

新昌王叔榮宣帝第三十三子禎明時封陳亡入隋爲內黃令

太原王叔匡宣帝第三十四子禎明時立陳亡入隋爲壽光令

始安王深後主第四子至德初封後廢太子允立深爲太子陳亡入隋爲枹罕太守唐武德初爲祕書丞

吳興王允後主長子初立爲皇太子後廢爲吳興王陳

亡入隋卒於長安

南平王蕤後主第二子至德初立陳亡卒於長安

永嘉王彥後主第三子至德初立陳亡入隋爲襄武令

南海王虔後主第五子至德初立陳亡入隋爲涿令

信義王祗後主第六子至德初立陳亡入隋爲通議郎

邵陵王兢後主第七子禎明初立陳亡入隋爲國子監

丞

會稽王莊後主第八子至德初立陳亡入隋爲昌隆令

東陽王怡後主第九子禎明二年立陳亡入隋爲通議

郎

文獻通考

卷一百一十五

封建

三

吳郡王藩後主第十子禎明二年封陳亡入隋爲任城令

錢唐王怙後主第十一子禎明二年封陳亡卒於長安

江左承西晉諸王開國竝以戶數相差爲大小三品

大國置上中下三將軍及置司馬一人次國置中下

二將軍小國置將軍一人餘官亦準此爲差武帝受

命自永定訖於禎明唯衡陽王昌特加禮命至五千

戶自餘大國不過二千小國則千戶云

陳亡諸王隨後主人長安竝配隴右及河西諸州各

給田業以處之大業二年隋煬帝以後主第六女嫺

爲貴人絕愛幸因召陳氏子弟盡還京師隨才敘用
由是竝爲守宰徧於天下

宋列侯

武帝受禪之初詔晉氏封爵當隨運改獨置始興廬陵
始安長沙康樂五公降始興公爲縣公廬陵公爲柴桑
縣公始安公爲荔浦縣侯長沙公爲醴陵縣侯康樂公
卽降爲縣侯以奉王導謝安溫嶠陶侃謝元之祀

劉穆之東莞莒人武帝建義時爲軍吏桓元平以功封
西華縣子義熙十三年卒贈南昌縣侯帝受禪以佐命
元勳追封南康郡公諡文宣子慮之嗣 邕彪彤坐罪

文獻通考

卷一百一十五

封建

三

奪爵 彪彤弟紹齊受禪降封南康縣侯

式之穆之中子以從征關洛功封德陽縣侯諡恭

徐羨之東海郟人少與武帝同參桓修軍府帝受禪以
佐命功封南昌縣公文帝卽位改封南平郡公元嘉二
年坐罪誅

湛之羨之兄孫以母會稽公主恩封枝江縣侯元凶
劭弑逆并害湛之諡忠烈子聿之亦爲元凶劭所殺

孝嗣聿之子襲爵爲廢帝所殺

傅亮北地靈州人武帝受禪以佐命功封建城縣公文
帝立進爵始興郡公元嘉三年坐罪誅

檀道濟高平金鄉人武帝受禪以佐命功封永修縣公文帝卽位進封武陵郡公元嘉十三年坐罪誅

韶道濟兄以預討桓元功封邑邱縣侯以功更封宜陽縣

祗道濟兄以預舉義封西昌縣侯諡威傳嗣至齊受禪國除

王鎮惡北海劇人以拒盧循功封博陸縣子討劉毅功進封漢壽縣子平姚泓取長安爲沈田子所殺武帝受禪追封龍陽縣侯諡壯傳國至曾孫獻齊受禪國除

朱齡石沛郡沛人以平蜀功封豐城侯姚泓旣平以齡

文獻通考

卷之三

封建

三

石鎮關中敗於青泥見殺傳國至孫齊受禪除

超石齡石弟以從平姚泓功封興平縣侯後沒於夏見殺

朱修之義陽平氏人以討南郡王義宣反功封南昌縣侯諡貞

王元謨太原祁人以討臧質反功封曲江縣侯薨諡莊子深早卒 潰深子嗣

元載元謨從弟宋末沈攸之之難元載起義送誠於齊高祖封鄂縣子諡烈

元邈元載弟任齊高祖封河陽縣侯諡壯

劉懷肅武帝從母兄以討桓元建義功封東興縣侯
蔚祖以弟子嗣 道存

懷敬懷肅弟以平廣固盧循功封南城縣男帝受禪
以佐命功進爵爲侯諡肅子德願嗣

榮祖懷敬弟子以破魏軍功封都鄉侯

亮榮祖從孫以軍功封順陽縣侯

道隆榮祖從子事廢帝封永昌縣侯

劉粹沛郡蕭人以從征廣固功封西安縣侯帝受禪以
佐命功封建安縣侯子曠之嗣

孫處會稽永興人以討桓元功封新番縣侯薨追封侯

文獻通考

卷一百三

封建

三

官侯

蒯恩蘭陵承人以討桓元功封都鄉侯後以戰功增封
入關沒於夏傳國至孫

向靖河內山陽人以討桓元功封山陽縣侯後以佐命
進封曲江縣侯子植嗣 植

劉鍾彭城人以平成都廣固功封永新縣男傳國至孫
齊受禪除

虞邱進東海鄉人以討孫恩徐道復功封望蔡縣男傳
國至曾孫齊受禪除

孟懷玉平昌安邱人以討盧循功封陽豐縣男卒無子

國除

龍符懷玉弟以從征廣固功封臨沅縣男

胡藩豫章南昌人以預平司馬休之及廣固功封陽山

縣男諡壯侯子隆世嗣

劉康祖彭城呂人父虔之相武帝西征爲司馬休之等

襲殺贈新康縣男康祖嗣封後從軍北伐敗死諡壯

道產康祖從弟父簡之以從討桓元功封晉安縣侯

道產嗣爵子延孫嗣質

趙倫之下邳僮人武帝起兵以從義功封閬中縣侯帝

卽位更封霄城縣侯薨諡元子伯符嗣助齊受禪國

文獻通考

卷之三

封建

三

除

蕭思話南蘭陵人父源之歷徐兗二州刺史封陽縣侯

思話襲爵諡穆子惠開嗣獻齊受禪國除

臧燾東莞莒人武帝起義功封高陵亭侯

燾燾弟以建義功封始興縣侯子質嗣後坐反誅

謝晦陳郡陽夏人以佐命功封武昌縣公文帝卽位誅

徐羨之等晦遂反兵敗死

述晦從弟以從征司馬休之功封吉陽縣五等侯

王弘琅琊臨沂人武帝起義以功封華容縣侯帝卽位

以佐命進封縣公文帝卽位以定策封建安郡公諡文

昭子錫嗣 僧亮齊受禪降爲侯

曇首弘之弟元嘉初以預誅徐羨之等功沒後追封

豫寧縣侯子僧綽嗣 儉齊武受禪以佐命功更封

南昌縣公諡文憲 騫梁受禪降爲侯 規

王誕弘從祖兄武帝時以佐命封作唐縣侯

瑩誕族孫梁武卽位以佐命封建城縣公

亮瑩從父弟梁武卽位以佐命功封豫寧縣公

華誕從祖弟元嘉初以追徐羨之等功追封新建縣

侯諡宣子定侯嗣 長 終齊受禪國除

智誕族弟武帝建宋國封建陵縣子 彧 績

文獻通考

卷之三

封建

三

王淮之晉尚書僕射彬元孫武帝時以討盧循功封都

亭侯

王懿太原祁人武帝時以討盧循功封新淦縣侯子正

循嗣

到彥之彭城武原人以討盧循功封狼山縣子武帝受

禪進爵爲侯文帝討謝晦進封建昌縣公諡忠子仲度

嗣 撫 沆

垣護之略陽垣道人孝武時以討南郡王義宣反功封

益陽縣侯

崇祖護之弟子齊高祖受禪以佐命功封望蔡侯

榮祖崇祖從兄齊高祖初以佐命功封將樂縣子

闕榮祖從父以破薛道標功封樂鄉縣男

張興世竟陵人明帝卽位四方反叛興世以征討功封作唐縣侯

袁湛陳郡陽夏人起兵以從征伐功封晉陵縣男諡敬

豹湛弟以參伐蜀功追封南昌縣子 淑 顛

粲淑從子孝武時以功封興平縣子齊高祖輔政粲封之不克死

褚裕之太傅裒之曾孫武帝時以佐命功封番禺縣男

子恬之嗣

文獻通考

舊唐書

封建

七

淵裕之從孫明帝卽位以功封雩都伯齊高祖初以

佐命封南康郡公子蔡嗣 霽

張永吳郡吳人明帝時以破薛索兒功封孝昌縣侯

瑰永子齊高祖起兵以佐命封義城縣侯後改封平都侯

稷瑰弟東昏時梁武起兵稷弑東昏迎梁武封江安

縣子

張邵吳郡吳人武帝時以佐命功封臨沮伯子敷嗣

式

沖邵孫以軍功封定襄侯

暢邵兄子以舉兵討元凶劭功封夷道縣侯

鄭鮮之榮陽開封人武帝時以從征伐封龍陽縣五等子

顏峻琅琊臨沂人元凶劭弑逆孝武起兵峻以佐命功封建城縣侯後爲帝所殺

帝所殺
師伯峻族兄以預討元凶劭功封平都縣子後爲廢

庾登之潁川鄆陵人以預討桓元功封曲江縣五等男
顧琛吳郡吳人以討元凶劭功封永新縣五等侯

沈演之吳興武康人以從伐蜀功封寧新縣男

文獻通考

卷之三

封建

元

江夷齊陽考城人以豫討桓元功封南郡州陵縣五等侯

沈慶之吳興武康人以討元凶劭功封南昌縣公後爲廢帝所殺諡襄子曇亮嗣齊受禪國除

文季慶之次子封山陽縣五等伯

攸之慶之從父兄子以征伐功封平樂縣五等侯後封東興縣侯齊高祖輔政攸之興兵入討兵敗死

宗懋南陽涅陽人以征伐功封洮陽侯諡肅子元寶嗣

柳元景河東解人以討元凶劭功封曲江縣公後爲廢

帝所殺子承宗嗣

世隆元景弟子齊高祖將移宋祚沈攸之起兵討之
世隆以禦敗攸之功封貞陽縣侯諡忠武子煥嗣

昭

忱世隆子梁武受禪以佐命功封州陵伯諡穆子範
嗣

慶遠元景弟子梁武受禪以佐命功封重安侯諡忠
惠子津嗣

殷孝祖陳郡長平人明帝時討叛戰死追贈建安縣侯
劉緬彭城人孝武時以討竟陵王反功封金城縣五等
侯子俊嗣

文獻通考

卷三

封建

完

薛安都河東汾陰人以討元凶劭功封南鄉縣男後進
爵爲侯明帝卽位叛降魏

宗越南陽葉人孝武時以平竟陵王誕功封始安縣子
後進爵爲侯廢帝旣殞爲明帝所殺

吳喜吳興臨安人明帝時以討叛功封東興縣侯後爲
帝所忌賜死

黃回竟陵人明帝時以討叛功封葛陽縣男後進爵爲
侯後爲齊高祖所殺

吉翰馮翊池陽人以從征廣固功封建城縣五等侯
杜幼文京兆杜陵人以軍功封邵陽縣男

杜慧慶交趾朱鵝人以討盧循功封龍縣侯子弘文嗣
卜天與吳興餘杭人以征伐功封關中侯元凶劭弑逆
死之

戴法興會稽山陰人孝武討元凶劭以預謀封吳昌縣
男後爲廢帝所殺

徐爰琅琊開陽人廢帝時以恩幸封吳平縣子

阮佃夫會稽諸暨人以弑廢帝立明帝功封建成縣侯
後坐罪賜死

齊列侯

高帝受禪之初詔諸王皆降爲公自非宣力齊室一皆

文獻通考

卷之三

封建

三

除國獨置南康華容洧鄉三國仍降爲縣公侯伯減戶
有差以奉劉穆之王弘何無忌之祀除國者凡百二十
人

王敬則臨淮射陽人宋明帝時以功封重安縣子齊高
祖受禪以佐命功封潯陽郡公後坐反誅

陳顯達彭城人仕宋以軍功封彭澤縣子後進封彭城
侯明帝卽位封鄱陽郡公東昏時舉兵反敗死

張敬兒南陽冠軍人高祖起兵以功封襄縣侯後以誅
沈攸之功進爵爲公武帝時坐罪誅

崔慧景清河東武城人高祖受禪以佐命功封樂安縣

子後舉兵反敗死

李安人蘭陵承人高祖受禪以佐命功封康樂侯諡肅
戴僧靜會稽永興人高祖受禪以佐命功封建昌縣侯
諡壯

柏康北蘭陵承人高帝受禪以佐命功封吳平縣侯

焦度南安氏人以討沈攸之功封東昌縣子

曹武下邳人以預平石頭功封羅江縣男高帝受禪改

封監利縣諡壯

呂安國廣陵人宋時以功封鍾武縣男高帝卽位進爵

湘鄉侯諡肅

文獻通考

卷一百一

封建

三

周山圖義興人以討沈攸之功封晉興縣男

周盤龍北蘭陵人宋時以軍功封晉安子高帝起兵改

封純陽侯

王廣之沛郡相人宋時以軍功封寧都縣子高帝卽位

以佐命進爵爲侯諡壯子珍國梁武起兵以佐命封宜

陽縣侯 僧度

荀伯玉廣陵人高帝受禪以佐命功封南豐縣子後爲

武帝所殺

蘇侃武邑人高帝受禪以佐命功封新建縣侯諡質

江祐濟陽考城人明帝卽位以佐命封安陸縣侯後爲

東昏所殺

劉善明平原人以佐命及征伐功封新淦伯
紀僧眞丹陽建康人齊高帝踐祚以佐命功封新陽縣
男

茹法亮吳興武康人以權幸封望蔡縣男

法眞亮從弟東昏時以佞幸進封餘千縣子

梁列侯

王茂太原祁人武帝卽位以佐命功封望蔡縣公諡忠
烈子貞秀嗣後坐反誅

曹景宗新野人武帝卽位以佐命功封湘西縣侯諡壯

文獻通考

卷一百一十五

封建

三

子皎嗣

席闡文安定臨涇人武帝卽位以佐命功封山陽伯諡
威

夏侯詳譙郡人武帝時以佐命功封寧都縣侯改豐城

縣公諡景子亶嗣 諡

夔亶弟以征伐功封保城縣侯諡桓子譔嗣

蔡道恭南陽冠軍人武帝起兵以佐命功封漢壽縣伯

後戰歿於魏傳國至孫固

楊公則天水西縣人武帝起兵以附從戰伐功封寧都

縣侯諡烈子暕嗣 眺

鄧元起南郡當陽人武帝起兵以附從功封當陽縣侯
諡忠

張惠紹義陽人武帝起兵以附從功封石陽縣侯諡忠
子登嗣

馮道根廣平鄴人武帝時以征戰功封增城縣男後進
爵爲伯諡威子懷嗣

康綯華山藍田人武帝起兵以附從功封南陽縣男

昌義之歷陽烏江人武帝時以佐命功封永豐侯諡烈
子寶景嗣

張弘策范陽方城人武帝母文獻后從弟帝起兵以定

文獻通考

卷一百一十五

封建

三

策功封洮陽縣侯後爲賊所害諡閔子緬嗣

續緬弟以尙主封利亭侯

庾域新野人武帝時以佐命功封廣牧縣子後進爵爲
伯子子輿嗣

鄭紹叔滎陽開封人武帝時以佐命功封營道縣侯後
改封東興諡忠子貞嗣

呂僧珍東海范陽人武帝初以佐命功封平固縣侯子

淡嗣

沈約吳興武康人武帝初以佐命功封建昌縣侯諡隱

子旋嗣 實

范雲南鄉舞陰人武帝初以佐命功封霄城縣侯諡文子孝才嗣

韋叡京兆杜陵人武帝時以征伐功封梁都子後進爵爲侯諡嚴子放嗣 粲

裴邃河東聞喜人武帝時以征伐功封夷陵縣子諡壯子政嗣

之高邃兄子以征伐功封都城縣男

之平之高弟以軍功封費縣侯子忌陳時以軍功封

東興縣侯

之橫之高弟以軍功封豫寧侯諡忠壯子鳳寶嗣

文獻通考

卷一百一十五

封建

十四

江淹濟陽考城人武帝克石頭以附從功封臨沮縣伯後改醴陵侯諡憲子蔦嗣

陳伯之濟陰睢陵人齊時以征伐功封魚復縣伯梁武起兵以附從功進封豐城縣公後反兵敗入魏旣而復以兵來降

陳慶之義興國山人以送魏元顥入北功封永興侯諡武子昭嗣

蘭欽中昌魏人天監中以軍功封懷安縣男後改封曲

江縣公

王神念太原祁人本魏潁川太守與子僧辨據郡歸梁

封南城縣侯諡壯人曾辨以誅侯景功封永寧郡公

羊侃泰山梁父人本魏將以兵來降封高昌縣侯子球嗣

鷓侃第三子以手殺侯景功封昌國縣侯

羊鴉仁泰山鉅平人本魏人後歸梁封廣晉侯

杜崩京兆杜陵人元帝時以附從討侯景功封枝江縣侯後進封公諡武

岸崩兄與崩同歸元帝封江陵縣侯後爲岳陽王營所殺

幼安崩弟與崩同歸元帝封華容縣侯後爲侯景所

文獻通考

卷一百一十五

封建

三

殺

合龍崩兄子與諸父歸元帝封中廬縣侯後爲陳霸

先所殺

王琳會稽山陰人以軍功封建寧縣侯陳武帝受梁禪

琳降齊後爲陳所攻兵敗見殺

何遠東海郟人梁武踐祚以奉迎功封廣興男

周石珍建康廝隸太清三年以恩幸封南豐縣侯後坐

侯景黨伏誅

陳列侯

杜僧明廣陵臨澤人以討侯景功封臨江縣侯諡威子

晉嗣

周文育義興陽羨人以討侯景功封南移縣侯後進封公爲熊曇朗所害諡忠愍子寶安嗣 碧

侯瑱巴西充國人以討侯景功封康樂縣公後進封零陵郡公諡壯肅子淨藏嗣

侯安都始興曲江人以討侯景功封富川縣子後改封西江縣公文帝卽位以佐命功進清遠郡公後坐罪賜死子亶嗣

歐陽頴長沙臨湘人以征伐功封始興縣侯文帝卽位改封陽山郡公諡 子紇嗣後舉兵反敗誅

文獻通考

卷一百一十五

封建

三

黃法氍巴山新建人以軍功封巴山縣子後進爵爲郡公諡威子玩嗣

淳于量濟北人以軍功封廣晉縣男後進封始安郡公章昭達吳興武康人以軍功封欣樂縣侯後進封邵陵郡公子太寶嗣

吳明徹秦郡人宣帝時以佐命功累封至南平郡公後拒周師敗沒於長安子慧覺嗣

胡穎吳興人以從軍功封漢陽縣侯諡壯子商嗣

徐度安陸人以戰功封廣德侯後進封湘東郡公諡忠

肅子敬成嗣 敬

杜稜吳郡錢塘人文帝卽位以預建立功封永城縣侯
諡成子安世嗣

周鐵武不知何許人以戰功封純陽縣子後進爵侯子
瑜嗣

程靈銑新安海寧人以征伐功封遂安縣侯後進封公
諡忠壯子文季嗣 響

沈恪吳興武康人以戰功封東興侯諡光子法興嗣

陸子隆吳郡人以戰功封益陽縣子後進爵爲侯諡威
子之武嗣

子才子隆弟以戰功封康縣子

文獻通考

卷一百三

封建

七

錢道戢吳興長城人以平張彪功封永安縣侯諡肅子
邈嗣

駱文吳興臨安人以戰功封臨安縣侯諡 子義嗣

孫瑒吳郡吳人以軍功封富陽侯諡桓子訓嗣

徐世譜巴東魚復人以討侯景功封魚復縣侯諡桓

周敷臨川人以拒侯景功封西豐縣侯後爲周迪所害
子智安嗣

荀朗潁川潁陰人以戰功封興寧縣侯諡壯子法尚嗣

周吳汝南安成人以軍功封西陵縣伯後進封武昌郡

公諡壯

魯悉達扶風郿人以晉熙等五州歸附功封彭澤縣侯
諡孝子覽嗣

廣達悉達弟以軍功封中宿縣侯後隋軍渡江力戰
死之

蕭摩訶蘭陵人以軍功積封至綏建郡公隋軍渡江戰
敗被擒後與漢王諒作逆誅

任忠汝陰人以戰功封安福縣侯隋師渡江忠降隋

樊毅南陽湖陽人以戰功封夷道縣伯後進爵爲侯陳
亡入隋

趙知禮天水隴西人以從討侯景功封始平縣子後進

文獻通考

卷一百一十五

封建

三

爵爲伯諡恭子元恭嗣

蔡景歷濟陽考城人文帝卽位以定策功封新豐縣子
後進爵爲侯諡忠敬子徵嗣

華皎晉陵暨陽人文帝時以佐命功封懷仁縣伯進封
公後降梁

毛喜滎陽武陽人宣帝時以定策功封東昌縣侯子處

沖嗣

沈君理吳興人以尙主及后父封望蔡縣侯諡貞憲

沈炯吳興武康人以從王僧辨討侯景功封原鄉侯諡

恭

蕭濟東海蘭陵人以預平侯景功封松陽縣侯
司馬申河內溫人以討始興王叔陵功封文招縣伯

文獻通考

卷一百一十五

封建

三

文獻通考卷二百七十二終

文獻通考卷第二百七十三

鄱陽馬端臨貴與著

封建考十四

後魏諸侯王列侯

後魏道武皇始元年始封五等至天錫元年減五等之爵始分為四曰王公侯子除伯男之號皇子及異姓元功上勳者封王皇族及始藩王皆降為公諸公降為侯子亦此為差於是封王者七十人公者二十二人侯者七十九人子者百有三人王封大郡公封小郡侯封大縣子封小縣其後復加伯男焉孝文太和十八年詔凡文獻通考

卷七十三

封建

一

王公侯伯子男開國食邑者王食半公三分食一侯伯四分食一子男五分食一舊制諸鎮將刺史假五等爵及有所貢獻而得假爵者皆得世襲延興二年詔革此類不得世襲又舊制諸以勳賜官爵者子孫世襲軍號後改降五等始革之止襲爵而已凡公主皆嫁於賓附之國朝臣子弟雖名族美彥不得尚焉

後魏道武帝因見漢書婁敬說

高帝欲以魯元公主妻匈奴良久故立此制又江陽王女率靈太后詔贈鄉主

諸王侯亦各

有師友文學侍郎掾屬舍人等官

時王國舍人應取八族及清修之門咸陽

王禧乃取任城王隸戶為之深為孝文所責

公主有家令丞

高平公主薨欲使公主家令居

廬制服太常博士常景曰婦人無專國之理婦人為君男子為臣古禮所不載則家令不得純臣公主不得為

正君明
矣乃寢

後魏宗室王公

上谷公紇羅神元皇帝曾孫道武卽位以援立功封卒
子題後進爵爲王 悉降爵爲公

建德公嬰文 眞定侯陸竝神元後仕太武獲封爵

武陵侯因章帝後從道武平中原封後改封

長樂王壽章帝後文成卽位有援立功封後坐罪誅

望都公賸昭帝後隨道武平中原封

曲陽侯素延 順陽公郁 宜都王晨竝桓帝後事道

武文成以功封後竝坐事死國除

文獻通考

卷一百三

封建

二

吉陽男比干 江夏公呂竝道武族弟以軍功封

高涼王孤平文皇帝第四子昭成卽位以推戴功分國

半部封孤道武時追封高涼王謚神武子斤構逆眞樂

以孤孫 襲封 禮 那 紇 大曹孝文時例降封太原郡公

洪威爲高歡所殺

陵禮弟太武賜爵襄邑子 瑰 鷲 大器

度孤孫道武初賜爵松滋侯 乙斤 平 葺 子

華

樂城侯興都烈帝之裔文成時賜爵 提

丕興都次子以告乙渾反功封東陽公孝文時進封

王後以非道武子孫例降爵爲公坐罪廢 雋 邕
俱丕子以功封新安及涇陽縣男

河間公齊元帝元孫太武時以征伐功封諡敬子陵

蘭陵弟 襲爵 志

扶風公虛真烈帝之後位殿中尚書賜爵後坐事誅

文安公泥魏之疏族道武厚遇之賜爵子屈後坐 事誅磨渾

以勳拜長沙公

秦王翰昭成皇帝子征伐有功道武卽位追贈諡明子

儀以從征伐功封王後以罪賜死 纂 良以弟 襲封 禎

瑞

文獻通考 卷一百三十三

封建

三

烈儀弟以功封陰平王諡喜 求

觚烈弟奉使慕容垂遇害追封秦王 夔

常山王遵昭成皇帝孫道武時以佐命及征伐功封後

坐罪賜死子素嗣 可悉陵 陪斤

懋遵之後孝武時以從駕入關封北平王

順懋弟亦以從入關封濮陽王 偉順子封南安郡

王

毗亦遵之後孝武時以定策入關封魏郡王

陳雷王虔昭成孫以戰功封後沒於陣諡桓子悅嗣

崇以弟 襲建降爵爲公

毗陵王順昭成孫以功封後坐罪廢

遼西公意烈昭成孫以戰功封後坐罪賜死子拔干

受洛 粟太武時以功進封為王

清河王紹道武皇帝子天興時封後行弑逆伏誅

平陽王熙道武子天興時封子佗嗣 顯 世尊

河南王曜道武子天興時封子提嗣 平原 和 鑑

顯

河間王修道武子天賜時封 羯兒 有罪

國除

長樂王處文道武子天賜時封無子國除

廣平王連道武子天賜時封 渾 飛 纂

卷之三

封建

四

京兆王黎道武子天賜時封子吐根嗣繼

樂平王丕明元皇帝子泰常七年封子拔嗣 坐罪賜死國除

安定王彌明元子泰常時封無子國除

樂安王範明元子泰常時封子良嗣

永昌王健明元子泰常時封子仁嗣 坐罪死國除

建寧王崇明元子泰常時封後坐罪死

新興王俊明元子泰常時封坐罪賜死

晉王伏羅太武皇帝子真君三年封無子國除

東平王翰太武子真君時封子道符嗣 坐謀反誅

臨淮王譚太武子真君時封子提嗣 昌 彧 孝友

齊受禪
國除

廣陽王建太武子眞君時封子石嗣 遺興 嘉 深

湛 法輪

南安王餘太武子眞君時封太武暴崩宗愛矯詔立餘復爲愛所弑

陽平王新成景穆皇帝子太安三年封子頤嗣 宗脩
坐罪死
國除

衍頤弟封廣陵侯子暢從孝武入關封博陵王

欽衍弟封鉅平縣公子孝從入關封義陽王 贊

融暢弟從入關封魏興王

文獻通考

卷一百一十五

封建

五

京兆王子推景穆子太安時封子太興嗣子昂 悰

仲景 退 冲

濟陰王新成景穆子和平時封子鬱嗣 暉業

汝陰王天賜景穆子和平時封後坐罪廢死

樂良王萬壽景穆子和平時封子樂平嗣 長命 忠

廣平王洛侯景穆子和平時封 匡 獻 祖育 勤

任城王雲景穆子和平時封子澄嗣 彝

順彝兄封東阿縣公

紀順弟從孝武入關封華山郡王

南安王禎景穆子皇興時封後坐罪奪爵子英改封中

山王 熙

略熙弟封義陽王

怡英弟封魯郡王

城陽王長壽景穆子皇興時封子鸞嗣 徽 延

章武王太洛景穆子皇興時封 彬 融 景哲

樂陵王胡兒景穆子和平時封 永金 景略

安定王休景穆子皇興時封子燮嗣 超 琰

安樂王長樂文成皇帝子皇興四年封子銓嗣 鑑

斌之

廣川王略文成子延興時封子諧嗣 靈道

文獻通考

卷一百一十五

封建

六

齊郡王簡文成子太和時封子祐嗣

河間王若文成子 琛

安豐王猛文成子太和時封子延明嗣 長孺

咸陽王禧獻文皇帝子太和九年封後坐謀逆賜死

坦

趙郡王幹獻文皇帝子太和時封子謚嗣 謙

廣陵王羽獻文子太和時封子恭嗣是為節閔帝

欣恭兄孝莊初封沛郡王

高陽王雍獻文子太和時封後為爾朱榮殺之河陰

斌

彭城王勰獻文子太和時封後爲高肇等所譖賜死子
劭嗣 詔

北海王詳獻文子太和時封後爲高肇所譖賜死子顯
嗣 後奔梁爲梁所立
送之北還終敗死

京兆王愉孝文皇帝子太和二十一年封後坐謀反死

清河王懌孝文子太和時封後爲元叉所殺

廣平王懷孝文子

汝南王悅孝文子遭爾朱之亂奔梁梁立爲魏主北還
遇害

後魏列侯

文獻通考

卷一百三

封建

七

衛操代人桓穆二帝時以佐佑功封定襄侯

莫題鴈門繁峙人道武初以封賜爵東宛侯後坐罪賜
死

雲題弟以功封安定公

劉庫仁獨孤部人爲南部大人後爲慕容文等所殺

眷庫仁弟 羅辰眷子拜南部大人道武時以從平

中原功賜爵永安公子殊暉襲 求引 爾頭 仁

之

尉古真代人道武時以從平中原功賜爵東州侯子德

萬嗣

眷古真弟子以功封漁陽王子多侯嗣

穆崇代人道武時以從平中原功封宜都公子遂雷

乙 真 泰 以反 伏誅

觀崇子襲爵贈宜都王 壽 平國 伏干 羆

亮羆弟封趙郡王孝文時例降為公 紹 長嵩

奚斤代人道武時以征伐功爵山陽侯進爵宜城王長

子他觀嗣 緒

叔孫建代人登國初封安平公後進封丹陽王子俊

補

安同遼東胡人以功積封至高陽公卒贈高陽王子原

文獻通考

卷一百三

封建

八

後以謀 逆誅

頡同子以禽赫連昌功封西平公後進爵為王

庾業延代人以從平中原功賜爵西昌公子陵

王建廣甯人以從平中山功封濮陽公

羅結代人以功封屈蛇侯子斤嗣 敢 伊利

婁伏連代人以征伐積功封廣陵公後進爵為王子真

嗣

閻大肥蝮蝮人以征伐積功封滎陽公

奚牧代人以從征伐功封任城公後坐事誅

和跋代人以從征伐功封定陵公後坐事誅

莫題代人以征伐功封高邑公後坐事誅

奚眷代人以戰功封南陽公後坐事誅

燕鳳代人大武時以舊勳封平舒侯子才嗣

許謙代人以平并州功封高陽公子洛陽嗣

崔宏清河東武城人以籌策功封壽光侯子浩嗣後坐史

事誅

張袞上谷沮陽人以從平中山功封臨渭侯子度嗣

白澤

鄧彥海安定人以參定朝儀功封下博子後坐事誅子

穎嗣進爵為侯 怡 侍

文獻通考 卷一百一十五

封建

九

長孫嵩代人世為南部大人以軍功封鉅鹿公太武即

位以定策進爵北平王子敦嗣 道降為公 悅

儉嵩五世孫事周以功封索盧侯後封郿國公

道生嵩從子以勳封汝陰公後進封上黨王子瓶嗣

觀 冀歸 彥 兕 熾 熾弟

紹遠冀歸子以從孝武西遷功封文安縣子子覽嗣

洪

澄冀歸從子以功封西華縣侯子嶸嗣

長孫肥代人以軍功封琅琊公子翰嗣後封平陽王

成降為公

陵翰弟封吳郡王

子栗磾代人明元時以征伐功封新安侯後進爵為公
子洛拔嗣 烈 祚

忠祚弟明常時以定策功封常山郡公

勁忠弟以后父封太原郡公 暉勁子嗣

謹亦栗磾之後西魏時以戰功封新野郡公周閔帝

卽位進封燕國公子實嗣 顓 世虔

仲文世虔弟以功封延壽郡公

翼實弟以尙主封安平縣公後進封國公子璽嗣

義翼弟封廣都縣公 宣道

文獻通考

卷五十五

封建

十

崔頤清河武城人道武時賜爵清河侯

悽頤之裔孝武時以預定冊功封武城縣公

王憲北海劇人道武時以功進爵至北海公子崇嗣

祖念 昕 顓

封懿渤海蓀人道武時封章安子 元之 回 隆之

纂

古弼代人太武時以功拜靈壽侯後坐罪誅

張黎鴈門平原人明元時封廣平公後坐罪誅

劉潔長樂信都人太武時以從征討功封會稽公後坐

反誅夷

邱堆代人太武時以佐命封臨淮公後坐事誅

娥清代人明元時以戰功積封至東平公子延嗣

伊馘代人太武時以戰功積封至河南公子蘭嗣 益

生

乙瑰代人太武時以尙主封西平公後進爵爲王子乾

歸嗣 海 瑗

周幾代人明元時以軍功封交趾侯子步嗣

豆代田代人太武時以戰功積封至長廣公贈王爵子

周求嗣

車伊洛焉耆胡人世爲東境部落封前部王子 嗣

文獻通考

卷一百一十五

封建

十一

王洛兒京兆人明元卽位以佐命功封新息王卒贈建

平王子長城嗣

車路頭代人明元初以佐命封宣城侯卒贈宣城王子

眷嗣

盧魯元昌黎徒河人以功封襄城公卒贈王子統嗣

彌娥

陳建代人太武時以從征伐功積封趙郡公後進封魏

郡王子念生嗣

來大千代人太武時以戰功封廬陵公子邱頽嗣

宿石朔方人太武時以尙主封泰山公後贈太原王子

倪嗣

萬安國代人獻文時以尙主封安城王後坐罪賜死子

翼嗣

周觀代人太武時以軍功封金城公

尉撥代人獻文時以功累封至安城侯

陸眞代人太武時以戰功積封至河南公子延嗣

呂洛拔代人太武時以功封武城侯子文祖嗣

薛彪子代人道武時以部落歸國封河東公子琬嗣

允

尉元代人獻文時累封太昌侯後進封至淮陽王子詡

文獻通考

卷之三

封建

十一

嗣

慕容白曜晃之元孫文成時以秉政封南鄉公後進爵

濟南王坐罪誅

和其奴代人文成初封平昌公後贈王子受嗣

苟隲代人太武時進爵至河南公後進爵河東王子愷

嗣

宇文福其先南單于之遠屬以勳封襄樂縣男

許彥高陽新城人太武時以參預謀議封武昌公子熙

嗣 安仁 元康

宗之熙弟封潁川公後坐罪誅

刁靡渤海饒安人明元時以功賜爵東安伯子遵嗣
楷 沖

韋閔京兆杜陵人太武時以功賜爵高平男子範嗣子
粲

韋道福閔從叔本仕宋以徐州內附功封高密侯子欣
宗嗣

珍閔族弟以招降羣蠻功封霸城子後進爵侯子纘

或 彪

杜銓京兆人太武時封新豐侯

屈遵昌黎徒河人道武時以功封下蔡子子須嗣進爵

文獻通考

卷一百一十五

封建

十三

信都侯 恆以破平涼功賜爵濟北公 道賜 拔

張藩河內修武人太武時以謀策功封壽張子子昭嗣

以軍功進修武侯

谷渾昌黎人太武時封濮陽公子闡嗣 洪 穎 士

恢

公孫表燕郡廣陽人明元初賜爵固安子後坐罪死子
軌以奉使稱旨封燕郡公 獻良以別功封昌平子

衡

良弟 襲
父爵

張濟西河人父千秋事慕容永來奔封成紀侯濟襲封

子多羅嗣

李先中山廬奴人明元時以先帝舊臣封壽春侯子國嗣

賈秀武威姑臧人太武時封陽都子子雋嗣 叔休
竇瑾頓邱衛國人以功封衛國侯後坐事誅

李崇范陽人事馮跋以城降太武時封固安侯子訢增
封扶風公後坐事誅

韓延之南陽堵陽人本仕晉後奔秦入魏明元時爲鎮
將封魯陽侯

袁式陳郡陽夏人本仕晉奔秦入魏爲上客封陽夏子
子濟嗣

文獻通考

卷一百三

封建

十四

毛修之滎陽陽武人始仕晉爲劉義真司馬沒統萬夏
之亡入魏太武時遷尚書能煎調主太官封南郡公子
法仁嗣贈南郡王

朱修之亦宋臣守滑臺被禽明元嘉其固守封郟陽侯
子幼玉嗣

唐和晉西冥安人本仕涼涼亡臣於蠕蠕文成時以歸
化功封酒泉公後進爵王子欽嗣降爲侯 景宣

冠讚上谷人世什符秦以歸化功封軹縣侯後進爵河
南公子元寶嗣

酈範范陽涿鹿人世爲燕臣以地降魏範太武時以舊

勳進爵至永寧侯子道元嗣

韓秀昌黎人世仕燕歸魏封遂昌子子務嗣

堯暄上黨長子人祖父仕燕來歸封平陽伯子洪嗣

傑師

陸侯代人世領部落太武時以克武牢功封建業公後

進爵東平王子馘嗣改封建安王 琇 景祚

騰侯之裔以從爾朱榮平葛榮功封清河縣伯子元

嗣

麗侯子以建大策立文成功封平原王子定國嗣

昕之 彰 邛 義

文獻通考

卷一百一十五

封建

五

獻麗次子封鉅鹿郡公 希道 士懋

源賀西平樂郁人本河西王秃髮儁檀之子儁檀滅奔

魏太武時賜姓以從平涼州功封西平公以策立文成

功進爵西平王子延嗣 鱗 懷 子邕 彪

劉尼代人祖父世為方面大人尼以太武時以功封昌

國子後以迎立文成功封東安公子社生嗣

薛提太原人封太原公後為宗愛所殺弟浮嗣

司馬休之本晉嗣譙王討劉裕不克奔秦秦亡入魏贈

始平公子文思賜爵鬱林公後進爵譙王

司馬楚之晉宣帝弟太常植八世孫劉裕誅翦司馬氏

楚之以四郡之衆來降封琅瑯王子金龍嗣 徽亮降

爲公 肅 鴻 孝政

裔肅弟西魏時以率衆歸關中封琅瑯縣伯後進爵

爲公子侃嗣 運

司馬景之晉汝南王亮之後明元時來歸賜爵蒼梧公

卒贈汝南王子師子嗣

司馬準景之兄以太常末歸魏封新安公子安國嗣

司馬國璠叔璠晉安平獻王孚之後劉裕時奔慕容超

超亡入秦秦亡來歸國璠封淮南公叔璠封丹陽侯

司馬天助晉驃騎將軍元顯之子歸關封東海公

文獻通考

卷三

封建

六

劉昶宋文帝子義陽王廢主子業立疑昶有異志昶乃

北降魏封丹陽王後加號宋王子承緒 早暉以孫 襲爵

蕭寶寅齊明帝第六子建安王梁武將移齊祚寶寅逃

奔魏封丹陽郡公齊王後坐反誅

贊寶寅兄子梁武以爲己子封豫章王後奔魏封高

平郡公丹陽王後沒於魏

蕭祇梁武帝弟南平王偉之子侯景之亂奔魏封清河

郡公子放嗣

蕭泰梁武帝弟鄱陽王恢之子于謹取江陵入魏封義

興郡公子寶嗣

蕭摛梁武帝弟安成王秀之子爲益州刺史周伐蜀以城降累封至廣臺郡公子濟嗣

蕭圓蕭梁武陵王紀之子周取蜀與摛同降積封至棘城郡公

蕭大圜梁簡文帝之子侯景之亂遜於江陵爲元帝使魏江陵亡畱魏封始寧縣公

盧元范陽涿鹿人太武時以儒雋封固安子子度世嗣後進爵爲侯 伯源 道舒

同元之裔莊帝時以功封章武縣伯子斐嗣 辯斐子以從孝武遷長安封范陽縣公子慎嗣

文獻通考 卷三 封建 七

光辯弟以從西遷積封至燕國公子貴嗣

高允勃海蓀人以謀平涼州功封汶陽子後進爵梁城侯子忱嗣 貴賓

高濟允從叔同徵封浮陽子子矯嗣 遵矯弟封安昌子

祐允從祖弟以從滅夏功封南皮子後進爵侯子和璧嗣 顥 德政齊時以佐命封藍田公後爲文宣

所殺 王臣

翼祐從父弟孝宣末封樂成縣侯子乾孝武時以預

定策封長樂郡公 呂兒

昂乾弟莊帝時以建義功封武城縣伯後進爵侯戰死於西魏追封永昌王子道額嗣

季式昂弟以功封乘氏子後進封陽平縣伯

崔鑑博陵安平人與盧元高允等俱被徵封桐廬縣子子合嗣

巨倫鑑族孫莊宗時以不附元顥功封漁陽縣男子子武嗣

士謙亦鑑族裔西魏恭帝時以功積封武康郡公子曠嗣

彭曠弟隋文帝時以佐命功積封至安陽縣公子竇

文獻通考

卷一百一十五

封建

六

德嗣

說士謙弟西魏時以戰功積封至安平縣公子弘度嗣隋初以佐命封武鄉郡公

弘昇弘度弟以佐隋功封黃臺縣侯後進爵爲公

挺鑑族裔以工書封秦昌子子孝芬嗣 猷西魏時

以功封平原縣伯隋文時進爵汲郡公子仲芳嗣

李靈趙郡平棘人以授文成皇帝經封高邑子子恢嗣

進爵爲侯 悅祖 瑾

顯甫悅祖弟以軍功封平棘子子元忠以佐高歡起

兵封晉陽縣伯 搔

渾靈曾孫齊初以參禪代儀注封涇陽縣男子湛嗣
璨靈弟均之子以參定徐州功封始豐侯子茂元嗣
秀之

順靈從父弟太武時以籌略封平棘子後進爵侯坐
罪誅 敷封高平公 後坐罪誅 祖俊

祖勳祖俊弟齊文宣時以女爲王妃封丹陽王

孝伯順從父弟太武時以侍軍國機密封昌子後進
爵宣城公子安仁嗣

裔孝伯族以參齊神武軍定策功封固安伯子子旦
嗣

文獻通考

卷一百一十五

封建

十九

子雄子旦弟隋初以戰功封高都郡公子公挺嗣
育靈族裔武定時以拒葛榮功封趙郡公子愔嗣

游雅廣平任人太武時與高允等俱徵積封至廣平侯
明根雅從祖弟獻文時封新泰侯子肇嗣 祥

高閭漁陽雍奴人文成時以功累封至安樂侯子元昌
嗣

胡叟安定臨涇人自涼歸魏封始復男弟繼之嗣

胡方回臨涇人以征涼功封臨涇子

張湛燉煌人本仕涼涼亡歸魏封南浦男

張徹湛兄封西平縣公子敢之嗣

宗欽金城人本仕涼涼亡入魏封臥樹男後與崔浩同誅

宋繇燉煌人爲涼使魏太武時拜爲河西王右相封清水公涼亡入魏改封西平侯子巖嗣 蔭 季預

王慧龍太原晉陽人本仕晉祖父爲劉裕所殺慧龍北奔太武時以戰功封長社侯子寶興嗣 瓊

鄭義滎陽開封人孝文時以功積封滎陽侯子懿嗣 恭業

道邕義從曾孫孝武時以軍功及從西遷封永寧縣

侯子詡嗣

文獻通考

卷之三

封建

三

譯詔弟周宣帝時封歸昌縣公後進封沛國公子元

壽嗣

先護義族裔莊宗時以納爾朱榮功封平昌縣侯後

奔梁死

薛辨河東汾陰人初仕秦秦亡入魏以軍功封汾陰侯

子謹嗣 拔以功積封至河東公 脩 裔 孝紳

慶之拔從孫封龍邱子

端慶之弟子西魏時以戰功封交城縣伯周受禪進

爵至文城郡公子胄嗣

濬胄從祖弟周天和中襲父琰爵虞城侯

孝通聰從孫以平定關中之亂封汾陰侯子道衡嗣
温道衡兄周武帝時封齊安縣子後進博陵縣公子
褒嗣

慎善弟周閔帝時封淮南縣子

薛寔河東汾陰人魏孝武西遷以從行功封邵陽縣子
周受禪進爵爲侯子明嗣

薛澄河東汾陰人從孝武西遷封夏陽男後進爵爲子
子舒嗣

韓茂安定安武人太武時以從征伐功封蒲陰子後進
爵安定公子備嗣 均

文獻通考

卷之三

封建

三

皮豹子漁陽人太武時累封至淮陽公子承宗嗣

封敕文代人封天水公子翰嗣

呂羅漢東平壽張人文成時以宿衛及征伐功累封至
山陽公子興祖嗣

孔伯恭魏郡鄴人父昭封魯郡公伯恭襲父爵

田益宗光城蠻世爲蠻帥太和時歸魏封光城縣侯子
纂嗣

孟表濟北蛇邱人本齊馬頭太守太和時據郡歸魏封
譙都縣侯

奚康生河南陽翟人本姓達奚世居代爲部落大人以

戰功封安武縣男後爲元又所殺子剛嗣

楊大眼武都氏難當之孫以戰功封安城縣子

崔延伯博陵人初仕齊後入魏以功賜爵定陵男後改

封新豐子

李叔仁隴西人以戰功積封至陳郡公後坐事誅

裴雙碩河東聞喜人位弘農太守封安邑子子駿嗣

裴果河東聞喜人西魏時封冠軍縣侯子孝仁嗣

裴寬河東聞喜人西魏時以戰功封夏陽縣男後進爵

子後南沒於陳

裴俠河東解人西魏時以從人關功封清江縣伯後進

文獻通考

卷一百一十五

封建

三

爵爲侯

裴文舉河東聞喜人西魏時以掠地功封澄城縣子後

進爵爲伯子胃嗣

薛安都河東汾陰人眞君五年奔宋宋明帝立安都爲

彭城刺史復叛魏封河東公子子道檟嗣

道異道檟弟以功封安邑侯

道次封河南公

眞度安都從祖弟以來歸功封臨晉伯子懷徹嗣

房法壽清河東武城人初仕宋後降魏以功封壯武侯

子伯祖嗣 翼

畢眾敬東平須昌人始仕宋明帝時以兗城降魏封東平公子元賓嗣 義允 僧安

祖朽元賓子封須昌伯子義暢嗣

祖暉祖朽弟以全守功封新昌縣子子義勰嗣

羊規之泰山鉅平人本仕宋太武南伐來降封鉅平子

子祉嗣 深

李昶頓邱人西魏時封臨黃縣伯子丹嗣

楊播弘農華陰人孝文時以戰功積封至華陰伯子侃

嗣 純佗

悛播族裔魏時以軍功封魏昌男齊文宣時輔政積

文獻通考

卷之三

封建

三

封至華山郡公後爲孝昭所殺

敷播族孫封臨貞縣伯後進爵公子素周末以功封

清河公隋文帝時以平陳封越公子元感嗣坐逆誅

約素弟以軍功封安城縣公後以佐廢太子勇進修

武公子元挺嗣

昇約從弟周時以軍功積封至樂昌縣侯

寬敷叔父孝武時以從入關積封至華山郡公子文

思嗣 紀

王肅琅琊臨沂人父員仕齊武爲所殺肅奔魏孝文時

以功封開陽伯子紹嗣 紀遷

郭祚太原晉陽人孝文武時以贊遷洛功封東光子後進爵伯子景尚嗣

張彝河東武城人幼襲祖幸爵平陸侯後爲羽林兵所殺子嵩之嗣

邢巒河間鄭人襲父封平城子以戰功進平舒縣伯子遜嗣

李崇頓邱人以后兄誕之子襲封陳留公後例降爲侯子神軌嗣

平崇從弟襲爵彭城公子彞嗣

諸

世哲崇子賜爵衛國子

文獻通考

卷之三

封建

三

崔光清河人孝文時以參贊遷都功積封至朝陽伯子

勵嗣

裴叔業河東聞喜人本齊徐州刺史廢帝誅殺大臣叔

業北降魏封蘭陵郡公子譚嗣 測

芬之叔業子以父勳封上蔡伯

念先叔業兄子封雍邱子子約嗣

植叔業兄子封崇義侯

李元護遼東襄平人本仕齊與裴叔業同降魏封廣饒

縣伯子會嗣 景宣

席法友安定人仕齊與裴叔業同降魏封苞信縣伯子

景通嗣 鄧

王世弼京兆霸城人仕齊與叔業同降魏封慎縣伯
江皖之濟陽考城人本仕梁後降魏封安平縣子子文
遙嗣

張讜清河武城人本仕宋後降魏封平陸侯子敬叔嗣
李苗梓潼涪人父仕梁被誅苗降魏後禦爾朱世隆敗
死贈河陽縣侯子曇嗣

劉藻廣平易陽人本仕梁後降魏封易陽子子紹珍嗣
傅永清河人世仕宋後降魏以戰功封貝邱縣男

張烈清河東武城人宣武時以戰功封清河縣子

文獻通考

卷三

封建

三

李述渤海蓼人以冊祭燕王廟還賜爵蓼縣男子象嗣
孫紹昌黎人永安時以議歷事賜爵新昌子子伯元嗣
祖瑩范陽道人莊宗時以參議律歷事封爵容成縣子
子珽嗣

爾朱榮北秀容人世爲部落酋帥祖父皆封梁郡公榮
襲爵正光中以討賊功封博陵郡公擁兵入洛立莊宗
封太原王後爲莊帝所殺

兆榮從子榮入洛兆封潁川郡公榮死兆據晉陽進
爵爲王後爲高歡所破死

彥伯榮從祖父世爲始昌侯節閔帝立彥伯以預定

功封博陵郡王後爲高歡所殺子敞後奔西魏封靈壽縣公隋時改封邊城郡公子最嗣

仲遠彥伯弟孝莊立封清河公節閔帝立進爵彭城

王後奔梁死

世隆仲遠弟莊宗立封平樂郡公後進封王後爲長

孫承業所殺

弼世隆弟節閔帝時封河間郡公後爲其帳下所殺

度律榮從父弟莊帝初封樂鄉縣伯後封常山王高

歡討誅之

天光榮從祖兄子莊帝封廣宗郡公後進爵爲王爲

文獻通考

卷一百一十五

封建

三

高歡所殺

朱瑞代郡桑乾人爲爾朱榮腹心封陽邑縣公後爲爾

朱世隆所殺

叱列延慶代西部人世爲酋帥延慶娶爾朱氏封北海

郡公後爲高歡所殺

解斯椿廣牧富昌人從爾朱榮征伐有功封曲陽縣公

後累封至城陽郡公從孝武西入關卒贈常山郡王子

徵嗣 該 政

元壽椿弟從孝武入關封桑乾公

賈顯度中山無極人以從爾朱榮破葛榮功封石艾縣

公後從孝武入關坐事死

智顯度弟以軍功封義陽縣伯後從入關坐事死

樊子鵠代郡平城人以功累封至西陽郡公後爲兗州刺史據城應關中高歡討而殺之

侯深神武光山人莊帝時以戰功積封至馱次侯後坐反誅

賀拔允神武光山人世爲鎮將封侯允襲侯積封至壽陽縣公高歡入洛進爵爲王後爲歡所殺

勝允弟孝莊帝初以定策功封易陽縣伯後降梁而復歸西魏以功積封至琅瑯郡公子仲華嗣

文獻通考

卷五

封建

七

岳勝弟孝莊立以預定策封樊城男後進爵清河郡公鎮關中後爲侯莫陳悅所殺子緯嗣

侯莫陳悅代人莊宗初封桓人縣侯後進爵白水郡公殺賀拔岳宇文泰討而誅之

念賢金城枹罕人以軍功封屯雷縣伯後進爵至安定郡公子華嗣

梁覽金城人世爲西羌部落積封至安德郡公

雷紹武川鎮人西魏時積封至昌國伯

毛遐北地三原人世爲酋帥積封至始昌縣伯

鴻賓遐弟以功封縣侯

乙弗朗其先東部人世爲部落大人以功封長安縣公
高恭之遼東人孝莊時賜爵龍成侯子士鏡嗣

綦雋河南洛陽人孝武時封章武縣伯

山偉河南洛陽人以功封東阿縣伯子昂嗣

費穆代人以爾朱榮黨積功至平原郡公後爲元顥所
殺

賀悅代人道武母黨其先世爲君長以從平中原功封

鉅野侯子泥嗣進爵爲琅琊公 醜建

杜超魏郡鄴人密皇后兄初封陽平公後進爵爲王子

鳳皇嗣

文獻通考

卷一百一十五

封建

三

遺超弟封廣平王子元寶嗣

閻毗代人文成母恭皇后兄初封河東公後與弟紇竝

進爵爲王自餘子弟賜爵爲王者二人公五人侯六人

子三人

馮熙長樂信都人文明太后之兄初封肥如侯後進爵

昌黎王子誕嗣例降爲侯 穆

李惠中山人思皇后之父初襲父爵南郡公後進爵爲

王後坐事誅

高肇渤海蓀人文昭皇后之兄封平原郡公後坐罪誅

胡國珍安定臨涇人靈太后父封安定郡公子祥嗣

梁越新興人魏初爲禮經博士明元時以師傅恩封祝阿侯

盧醜昌黎徒河人太武時以師傅恩封濟陰公

張偉太原中都人太武時與高允等俱徵後封建安公李業興上黨長子人孝武登極時以預行禮事封屯留縣子

乞伏保高車部人獻文時襲爵寧國侯

段進不知何許人太武時頓頓入塞被擒罵賊死贈顯美侯

郭琰京盤人孝武時封新豐縣公西遷封馮翊郡公

文獻通考

卷之三

封建

三

乙速孤佛保北秀容胡酋孝武時從入關封蒲子縣公李崇渤海蓀人孝武時以歸關中功封廣宗縣公 敞寶瑗遼西人以從平葛榮功封容城縣伯

李洪之恆農人太武時封安陽男後進爵任城侯

劉靈助燕郡人爾朱榮入京師以卜筮封長子縣公

周澹京兆鄠人明元時以善醫封成德侯

王顯陽平樂平人宣武時以營療功封衛國縣伯

王獻太原晉陽人文明太后臨朝時以恩幸封太原公後進爵中山王子襲嗣後降爲公

王仲興趙郡人宣武時以恩幸封上黨郡公

侯剛河南洛陽人明帝時以恩幸積封至武陽縣公
宗愛不知何許人太武時以恩幸封秦郡公後坐弒逆
誅

仇洛齊中山人本宦者太武時封零陵公子儼嗣

王琚高平人亦宦者孝文時積封至高平王

趙默本涼州隸戶爲閭人封至河內公後進爵爲王

孫小咸陽石安人以閭封至中都侯後進爵彭城公

張祐安定石塘人以閭入宮孝文時至新平王後降爲

公

李堅高陽易人文成時以閭入宮封魏昌伯

文獻通考

卷稽古

封建

三

劉騰原城人以閭入宮靈太后時封長樂縣公

楊範閭人封華陰子

成軌閭人封始平縣伯

王温閭人封欒城縣侯

孟鸞閭人封元城縣侯已上竝靈太后臨朝時

右元魏時封爵所及者尤衆蓋自道武興於代北

以來凡部落之大人與鄰境之降附者皆封以五

等之爵令其世襲或賜以王封逮中世以後則不

緣有功而封者愈多程駿傳載獻文崩初遷神主

於太廟有司奏舊事廟中執事官例皆賜爵今宜

依舊詔百寮詳議羣臣咸以爲宜依舊事駿獨以爲不可表曰臣聞名器爲帝王所貴山河爲區夏之重是以漢祖有約非功不侯未聞預事於宗廟而獲賞於疆土雖復帝王制作弗相沿襲然一時恩澤豈足爲長世之軌乎書奏從之可見當時封爵之濫然高允在太武時以平涼州勳封汶陽子至文成時史言其爲郎二十七年不徙官時百官無祿允第唯草屋衣唯縕袍食唯鹽菜恆使諸子採樵自給則其時雖有受封之名而未嘗與之食邑又道武以來有受封爲建業公丹陽侯會稽侯

文獻通考

卷一百一十五

封建

三

蒼梧伯之類此皆江南土地未嘗爲魏所有可見當時五等之爵多爲虛封前史雖言魏制侯伯四分食一子男五分食一然若眞食五分之一則不至如高允之貧乏且受封丹陽會稽等處者雖五分之一亦於何而取之乎

07543



